

論語注疏校勘記

序目

自卷一  
至卷三

					漢書門
				四九	
			一三三		
			四二九八		
冊	架	函	號	類	

庫	文	閣	內	
三五				漢書
四				
二				
十				
冊	架	號	類	

總經

內閣文庫		
番號	漢	4938
冊數		4 ( 1 )
函號		275 110



A 1 2 3 4 5 6 M 8 9 10 11 12 13 14 15 B 17 18 19

Kodak Gray Scale



© Kodak, 2007 TM: Kodak





論語注疏校勘記序

淺草文庫

春秋易大傳聖人自作之文也。論語門弟子所以記載聖言之文也。凡記言之書。未有不宗之者也。魯齊古本異同。今不可詳。今所習者。則何晏本也。臣元於論語注疏。舊有校本。且有箋識。又屬仁和生員孫同元推而廣之。於經注疏釋文。皆據善本。讎其同異。暇輒親訂成書。以詒學者云爾。臣阮元恭記

引據各本目錄

漢石經十卷

據洪适隸釋所載石刻殘字

唐石經十卷

唐開成時。石刻本



宋石經

宋紹興時。石刻本

皇俛義疏十卷

日本寬延庚午根伯修遜志校正付刻。每葉十八行。每行二十字。前有彼國人平安服元

喬敘

高麗本

據海寧陳鱣論語古訓本所引

十行本二十卷

每葉二十行。每行二十三字。上邊書字數。下邊書刻工姓名。中有一葉。下邊書泰定四年

年號。知其書雖為宋刻。元明遞有修補。又元徵宏拒慎殷樹匡敦讓貞懲崩完恒等字。字外竝加一墨圈。書中誤字雖多。然其勝於各本之處。亦復不少

閩本二十卷

明嘉靖間。閩中御史李元陽校刊。每葉十八行。每行二十一字。下邊書刻工姓名。間有書字數

者。當出於修補之手。雖有訂正十行本之處。然已有不及十行本之善

北監本

明神廟間。北國子監所刊。行數字數。與閩本同。上邊書萬曆十四年刊六字。字體惡劣。誤字亦多

毛本

明崇禎間。汲古閣毛子晉校刊。行數字數。亦與閩本同。下邊大書汲古閣三字。雖校正付刊。誤字少於北監本。然較之十行本。其善處遠不可及矣



論語注疏校勘記卷一

臣 阮元恭撰

論語注疏解經序

翰林侍講學士朝請大夫守國子祭酒上柱國賜紫金魚

袋臣邢昺等奉

勅校定

此毛本無此卅一字北監本

姓名。閩本併一行書。刪去等字。又改定字為刊字。案宋史邢昺傳。咸平二年。昺受詔。與杜鎬舒雅孫奭李慕清崔偓佺等。校定周禮儀禮公羊穀梁春秋傳孝經論語爾雅義疏。據此則等字定字。俱當依十行本為是。

序解

唐石經及經典釋文。並作論語序

疏閩本北監本毛本序解疏併一行寫。又十行本經序註疏文。並頂格寫。閩本北監本毛本註疏文。並低一格寫。序文經文唯第一節頂格寫。其餘亦低一格寫。

門人相與輯而論纂

十行本。與字論字實闕。纂亦作纂。案釋文



序錄作撰。漢書藝文志作纂纂與撰通。又與撰通。

蘊含萬理 北監本。含誤舍。

太子太傅夏侯建 釋文序錄。太傅作少傅。

齊論者 浦鏜十三經注疏正誤云。論下脫語字。案古書引用。或稱論語。或止稱論。趙岐孟子註。凡稱論者。皆指論語。浦鏜疑有脫字。非也。

別有問王知道二篇 北監本。作問王。案朱彝尊經義考。日。今逸論語見於說文初學記文。

選注太平御覽等書。其詮玉之屬特詳。疑齊論中所逸二篇。其一乃問玉。非問王也。考之篆法。三畫正均者為玉。中畫近上者為王。初無大異。因偽玉為王耳。王應麟亦云。問王疑即問玉。豈其然乎。

少府朱畸 漢書藝文志。釋文序錄。並作宋畸。

有兩子張 北監本。兩誤兩。

後漢包咸周氏 北監本。包誤色。

考之齊古為之註焉 十行本。閩本。古誤右。毛本註作注。

敘曰漢中壘校尉劉向 十行本。毛本。校作按。案毛本作按者。放此。考周禮。校人釋文云。校戶教反。字從木。若從手。旁作是。比按之字耳。今人多亂之。據此則校尉字。亦當從木。從手作按者。非。

言魯論語二十篇 唐石經二十作廿。後二十三十字。並放此。案說文。廿二十併也。卅三十併也。並古文。省。漢石經如此。唐石經沿其例。

太子太傅 唐石經。太作大。案釋文出太子太傅云。並音泰。則字當作大。

敘曰至傳之○正義曰 毛本。至下有等字。正義曰上。不加○。後放此。

案漢書百官公卿表云 十行本。閩本。書誤魯。



掌北軍壘門內 毛本。北誤比

專精思於經術 漢書劉向傳。精作積

皆孔子弟子記諸善言也 北監本。弟誤第

荅述曰語 北監本。述誤述。不成字

太子太傅 北監本。傳誤傳。下太傅字並同

古官秩二千石 北監本。千誤于

徵為博士 北監本。博士誤博出

賜冢塋 北監本。冢誤家

太后賜錢三百萬 ○按漢書夏侯勝傳。三作二

不如親耕 漢書。親作歸

蕭望之字長倩 十行本。倩誤情

東海蘭陵人也 閩本。東誤東

好學齊詩 漢書。學下有治字

及宣帝寢疾 北監本。及誤反

天子聞之 北監本。天誤大

哀慟左右 北監本。毛本。慟作動。案漢書蕭望之傳。本作

孝惠高后 北監本。惠誤思

文帝三年一丞相 漢書百官公卿表。三作二。年下有復

進授昭帝詩 十行本。閩本。詩誤時

琅邪王卿 皇侃義疏本。琅邪作瑯琊。釋文出琅字云音郎。本

或作瑯。案瑯琊乃琅邪之俗字。琅本作郎。唐元度



九經字樣云。郎邪郡名。郎良也。邪道也。以地居鄒魯。人有善道。故為郡名。今經典相承。郎字玉傍作良。邪字或作耶。即者訛。皆以教授。皇本。授下有之字。七經孟子考文。足利本。作教之。

此叙齊論語之興 北監本。興誤與

積章而成篇徧也 毛本。徧上增篇者二字

局也 十行本。局作局。案張參五經文字云。局从尺下口。作局與局。皆訛

金璽盤綬 毛本。盤誤盪

成帝綏和元年 十行本。綏誤緩

更名相 漢書百官公卿表。名作令。

遷滎陽令 十行本。閩本。滎作滎。北監本。令誤今。案漢書王吉傳。作雲陽。按滎陽字。古皆从火。不从

水

魯共王時 皇本。共作恭。案共恭古字通

聞鍾磬琴瑟之音 閩本。北監本。毛本。鍾作鐘。案五經文字云。鐘樂器。鍾量名。又聚也。今經典

或通用鍾為樂器。按漢書魯恭王餘傳。音作聲。

形多頭麤尾細 十行本。麤作麤。後鄉黨篇。君子不以紺緇飾節。疏麤曰紺同。按麤乃麤之俗

字

為世所貴 唐石經。避太宗諱。世作廿。後放此

包氏周氏 皇本。包作苞。後包氏竝放此。按廣韻包下云。包裏亦姓。楚大夫申包胥之後。後漢有大鴻臚包咸。皇本作苞。非也

皇本作苞。非也

河內軹人也 北監本。軹誤軹

乞骸就第 漢書張禹傳。骸下有骨字



篇第或異

閩本。北監本。毛本。篇第誤篇篇。

欲不為論念張文

漢書張禹傳。無不字。○按宋板漢書。有不字。

餘家浸微

漢書張禹傳。浸作寢。案五經文字云。寢。經典及釋文。或作浸。據此則寢浸古通用。浦鏜以

為字誤。非也。

包咸字子良

釋文序錄。作子長。

昌魯詩論語

閩本。北監本。毛本。昌作倡。案古倡字。或省作昌。周禮樂師遂倡之。註故書倡為昌。廣

雅釋詁一。昌始也。疏中古文罕見。當以作倡為是。○按後漢書儒林傳。昌作習。

為之訓解

皇本。解作說。○按下文。作亦為之訓說。皇本是也。

至順帝時

皇本。時上有之字。

南郡太守

唐石經。太作大。案釋文出太守云音泰。下大常同。

亦為之訓說

攷文。足利本。無之字。

更名太守

北監本。太作大。

延壽九年

十行本。閩本。延誤延。

考之齊古為之註

皇本。為上有以字。註作注。釋文出為之註云。本又作注。○按注是。

破許慎五經異義

浦鏜云。破疑作駁。是也。

皆為義說

皇本。為下有之字。

年世未遠

十行本。世誤出。

太祖辟羣為司空西曹屬

魏志陳羣傳。曹下有掾字。○按掾字不當刪。

七錄云字文逸

釋文序錄。作文逢。

前世傳授師說

皇本。授作受。



不為訓解 皇本為下有之字

今集諸家之善 皇本善下有說字

榮陽開封人也 閩本榮誤榮○案榮字亦非榮澤榮陽字古多从火作榮詳左傳按勘記

太醫太官令 漢書百官公卿表官作官

亡員 閩本北監本毛本亡作無案作亡與漢書百官公卿表合

將謂都郎將以下也 漢書百官公卿表注無都字

散騎並乘輿車 漢書百官公卿表重騎字

荀彧之子 十行本或誤或

駙副也 漢書百官公卿表注副下有馬字

論語註疏解經卷第一 十行本閩本北監本毛本並分為二十卷按唐石經分十卷皇本同攷之

宋史藝文志卷數正合今按勘記分卷從之

學而第一 何晏集解 邢昺疏

疏 十行本標題如此後卷放此閩本毛本第一行與十行本同第二行下書魏何晏集解第三行下書宋邢昺疏第四行低一格書學而第一與疏接寫後卷放此北監本第一行下書魏何晏集解宋邢昺疏第二三行書明按刊重修等姓名第四行與閩本毛本同後卷放此

當弟子論撰之時 閩本弟誤第

由禮貴於用和 十行本閩本由誤日

第順次也 浦鏜云順當訓字誤非也

學而時習之章

不亦說乎 皇本說作悅後並放此釋文出亦說云音悅註同案說文說說釋也从言兌聲一日談說蓋古人喜



悅字多假借作說唯皇本俱作悅而先進篇無所不說子路篇君子易事而難說也又仍作說

馬曰皇本作馬融曰後放此

男子之通稱皇本作男子通稱也北監本通誤道

王曰皇本作王肅曰後放此

學者以時誦習之皇本之作也

所以為說懌皇本懌下有也字

有朋自遠方來釋文出有朋云有或作友非案白虎通辟雍

門曰朋同志曰友是舊本皆作友字

包曰皇本作苞氏曰後放此

同門曰朋皇本朋下有也字

君子不怒皇本作君子不愠之也攷文引足利本作君子不愠

學業稍成十行本學誤覺

則扞格而不勝十行本扞誤杆

又文王世子云北監本子誤于

弦謂以絲播時禮記文王世子注時作詩是也

於功易也北監本毛本於誤初案禮記文王世子注作

於功易成也

三日中時十行本閩本日誤日

古之學者為己北監本己誤已

其為人也孝弟章皇本閩本北監本毛本提行寫唯十行本與上章疏

有子曰文接寫後每章首放此



孔子弟子有若

皇本。作孔安國曰弟子有若也。案孔子疑孔曰之譌。皇本。凡孔曰。皆稱孔安國曰。

其為人也孝弟

皇本。弟作悌。注及下竝同。案釋文出孝弟云本或作悌。下同。

謂凡在已上者

皇本。者下有也字。北監本。上字空闕。

必恭順

皇本。必下有有字。

基立而後可大成

皇本。成下有也字。

其為仁之本與

攷文引足利本。無為字。

先能事父兄然後仁道可大成

皇本此注。作苞氏曰。又作然後仁道可成也。

其為仁之本與

十行本。與作歟。按作與。用假借字。

禮尚謙退

毛本。尚作讓。非。

巧言令色章

鮮矣仁

皇本。作鮮矣有仁。案包注及疏文。當作有仁。

吾日三省吾身章

弟子曾參

皇本。參下有也字。

與朋友交而不信乎

皇本。高麗本。交下有言字。

傳不習乎

釋文出傳不云。鄭註云。曾讀傳為專。今從古。

得無素不講習而傳之

皇本。之下有乎字。

弟子曾參

閩本北監本毛本。弟子作曾子。案以前其為人。也。章疏文。例之。當作弟子。馬季長注。亦作。

弟子曾參

以謀貴盡忠

十行本。謀誤講。

道千乘之國章



道千乘之國

皇本高麗本。道作導。案釋文出道字云音導。本或作導。

道謂為之政教

皇本。作導者謂為之政教也。

司馬法

攷文引足利本。法下有日字。

通十為成。成出革車一乘

皇本。成作城。

其地千成

皇本。千城下有也字。

居地方三百一十六里有畸

皇本。畸作奇。案釋文出有畸云。田之殘也。則字當作畸。

雖大國之賦

釋文出雖大賦云。一本或云雖大國之賦。

十井為乘

攷文引足利本。十井作井十。

融依周禮包依王制孟子

皇本。融上有馬字。包作苞氏。

敬事而信

宋石經。避廟諱。敬作欽。後放此。唯子路篇以下。則闕筆為敬。

節用不奢侈

皇本。作節用者不奢侈也。

故愛養之

皇本。之下有也字。

使民以時

唐石經。避太宗諱。民作良。後放此。

作事使民

皇本十行本。無事字。案作作事使民。文義較明。疏中亦有事字。

不妨奪農務

皇本。務下有也字。

謂公侯之國

閩本。北監本。毛本。謂誤為。

一為方千里者百

毛本作千。乃十字之誤。

方十里者九百得九百乘也

閩本北監本毛本。十誤千。得誤謂。

不以此方百里者一

毛本作不。乃又字之誤。

居地方三百一十六里有畸

各本。一竝誤二。



司馬法

閩本北監本。毛本法誤注

步卒七十二人

毛本。二誤一

下云道之以德

閩本北監本毛本。云作文

州建百里之國三十

閩本北監本毛本。三誤二

五十里國

禮記王制。里下有之字

百姓之保障

十行本。障作郭。案說文郭紀邑也。障隔也。保障字亦當作障

水昏正而栽

十行本。閩本。栽誤裁

於是樹板幹而興作

十行本。幹誤幹

城郭牆塹

十行本。塹作壘。案依說文當作塹

弟子入則孝章

出則弟

皇本十行本。弟作悌。案釋文出則弟云。本亦作悌

古之遺文

皇本。文下有也字。案釋文引馬註。亦有也字。

或博愛眾人也

浦鏜云。或疑故字誤

賢賢易色章

則善

皇本。善下有也字。下其身下同

若童汪錡也

十行本。閩本。汪錡誤注錡

君子不重章

言人不能敦重

皇本作言人不敢重。案敦當作敦。字形相近而訛

既無威嚴

皇本無嚴字

識其義理

皇本。理下有也字



無友不如已者釋文出母友云。本亦作無。下同。案古書無母仍作無。釋文出母友云。音無。

鄭曰皇本。作鄭元曰。後放此。

慎終追遠章

喪盡其哀皇本。哀下有也字。下其敬下同。

君能行此二者皇本。君上有人字。

皆歸於厚也皇本。皆上有而字。

夫子至於是邦也章

子禽問於子貢曰釋文。出子貢云。本亦作贛。案隸釋載漢石經。凡子貢字皆作子贛。蓋贛贛並當作贛。臧琳經義雜記云。說文貝部。貢獻功也。贛賜也。是貢贛不同。依說文當為贛。贛即贛之譌體。子貢名賜。故字子贛。作貢者。

字之省借耳。今禮記樂記子贛見師乙而問焉。祭義子贛問曰。子之言祭尚存古本。餘則多為後人改易矣。

抑與之與漢石經。抑作意。

弟子陳亢也皇本此句下。有字子禽也四字。下名賜下。有字子貢也四字。

抑人君自願與之為治皇本作抑人君自願與為治耶。

夫子溫良恭儉讓以得之宋石經避諱。讓作遜。後放此。唯先進篇。其言不讓。但闕末筆。

夫子之求之也。其諸異乎人之求之與皇本與下有也字。攷文引足利本。作夫子

之求也。其諸異乎人求之與。

明人君自與之皇本。作明人君自願求與為治也。

父在觀其志章

父沒乃觀其行皇本行下有也字。下之道下同。



猶若父存

皇本存作在北監本存誤母

禮之用章

亦不可行也

漢石經無可字

亦不可行

皇本行下有也字

信近於義章

信非義也

皇本作信不必義也

故曰近義

皇本作故曰近於義也

故曰近禮也

皇本近下有於字。又此節註作苞氏曰○按偽昌黎論語筆解此節及上節註竝作馬日

亦可宗也

皇本宗下有敬字

亦可宗敬

皇本敬下有也字

君子食無求飽章

有所不暇

皇本暇下有也字

可謂好學也已

漢石經作可謂好學已矣皇本作可謂好學也矣已筆解作可謂好學也矣

有道有道德者

皇本作有道者謂有道德者也案太平御覽四百三引亦有謂字

正謂問事是非

閩本北監本毛本事作其案皇本筆解俱作事字太平御覽四百三亦引作事則作

其者非

樂道忘飢

閩本北監本飢作饑案說文穀不孰為饑飢餓也則字當作飢

遜志務時敏

十行本閩本遜志作敬遜案後述而篇志於道章疏十行本閩本北監本亦作敬遜

唯毛本作孫志

貧而無諂章



子貢曰皇本作子貢問曰。案皇疏云。子貢問言。若有貧者。能不橫求。何如。故云貧而無諂也。邢疏云。若能貧無諂。後富不驕逸。子貢以為善。故問夫子曰。其德行何如。據此則古本當有問字。

貧而無諂十行本闕本諂誤諂。後凡諂字二本竝誤。案五經文字云。諂諂。上音滔。從爪從白。凡字聲近諂者。皆從白。從白。下答冉反。從力從白。凡字聲近諂者。皆從白。

未足多皇本多下有也字

未若貧而樂皇本高麗本。樂下有道字。唐石經道字有添。案唐石經有添字。多不足據。此道字獨與古合。攷

史記仲尼弟子列傳文選幽憤詩註。引此文。竝有道字。又下二節。孔註及皇邢兩疏亦有道字。俱足為古本有道字之證。

不以貧為憂苦皇本作不以貧賤為憂苦也

如琢如磨釋文出摩字云一本作磨。案磨摩正俗字

其斯之謂與皇本與下有也字

能自切磋琢磨皇本磨下有者也二字。下註琢磨下同

告諸往而知來者皇本者下有也字

好謂閑習禮容闕本北監本毛本。好下有禮字。案疏云。樂謂志於善道。不以貧為憂苦。好謂閑

習禮容。不以富而倦略。樂道好禮。相對成文。足證經文本有道字。不知者。妄加禮字誤甚。

此衛風淇奧之篇闕本北監本毛本與作澳。按澳正字。毛詩作奧。用古文假借字。

象曰嗟闕本北監本毛本。嗟作磋。案古書嗟磋二字多通用。

告諸往而知來者者闕本北監本毛本。脫下者字

不患人之不已知章

不患人之不已知患不知人也皇本作不患人之不已知也。患已不知人也。釋文出患不

知也。云本或作患已不知人也。俗本妄加字。案經義雜記云。據釋文。知古本作患不知也。蓋與里仁不患莫己知。求為可



知也。先進居則曰不吾知也。如或知爾則何以哉。語意同。今邢疏及集註本皆作患不知人也。人字亦淺人所加。

王肅曰但患己之無能知也。此注唯皇本有之。各本並脫。

為政第二

為政以德章

而眾星共之。釋文出眾星共云。鄭作拱。○按拱正字。共假借字。

包曰。皇本作鄭元曰。

猶北辰之不移。皇本。猶上有譬字。釋文出猶北辰之不移云。本或作譬猶北辰之不移。與皇本合。

而眾星共之。皇本。之下有也字。

案爾雅釋天云。十行本閩本北監本。天誤文。

中宮太極星。漢書天文志。太作天。

所謂璇璣玉衡。毛本璇作璇。○按當作旋。璇璣皆俗字。

詩三百章

篇之大數。皇本數下有也字。下歸於正下同。

篇之大數。十行本。大誤夫。

道之以政章

道之以政。皇本高麗本道作導。下節同。漢石經作道。釋文出道之云。音導。下同。○按後漢書。朱景王杜馬劉傳。堅馬傳論。又杜林傳。並引作導之以政。漢石經作道。用假借字。

政謂法教。皇本教下有也字。下刑罰下。道德下。同。

民免而無恥。閩本恥作耻。乃恥之俗字。

免苟免。皇本。作苟免罪也。



吾十有五而志于學章

吾十有五而志于學漢石經高麗本于作乎皇本于作於案翟灝四書攷異曰此經自引詩書外例用於字今此獨變體為于疑屬乎字傳寫誤漢石經論衡實知篇作乎而朱注亦云志乎此可思也

有所成也皇本成下有立字

不疑惑皇本惑下有也字下終始下微旨下同

知天命之終始閩本北監本毛本作始終

耳聞其言皇本耳下有順字

從心所欲無非法皇本法下有者字

孟懿子問孝章

仲孫何忌皇本忌下有也字下故告之下樊須下同

我對曰無違漢石經無作毋上無違無字闕

恐孟孫不曉無違之意皇本無恐字

卜其宅兆而安措之之屬也閩本北監本毛本措作厝案措正字厝假借字

是無違之理也毛本理誤禮

孟武伯問孝章

父母唯其疾之憂閩本母誤毋註同

懿子之子仲孫彘皇本彘下有也字

唯疾病然後使父母憂皇本作唯疾病然後使父母之憂耳

武伯懿子之子仲孫彘也十行本閩本之下脫子字

子游問孝章



子游弟子 皇本。弟子下有也字。下名偃下。同

不敬何以别乎 漢石經。無乎字

皆養人者 皇本。作皆能養人者也

乃至於犬馬 皇本。乃下有能字

食而不愛豕畜之愛而不敬獸畜之 皇本。食作養。之下竝有也字

是謂能養者 毛本。謂誤為

今之人 十行本。今誤令

同其飢渴 ○按孫志祖按本云。同當作伺。形近之譌

字子游 十行本。子誤少

### 子夏問孝章

謂承順父母顏色 皇本。順作望

乃為難 皇本。難下有也字。下父兄下。同

先生饌 釋文出先生饌云。鄭作餽音俊。食餘曰餽。案馬注。饌飲食也。是馬本作饌。蓋作饌者古論。作餽者魯論也

孔子喻子夏 皇本。夏下有曰字

未孝也 皇本。作未足為孝也

乃為孝也 皇本。作乃是為孝耳

### 吾與回言終日章

回弟子 皇本。子下有也字。下不愚下。同

默而識之如愚 皇本。愚下有者也二字

回也不愚 皇本。愚下有也字



論語注疏

卷一

十一

說釋道義 皇本十行本。釋作釋。釋文出釋字云。音亦。則字當作釋。○按說文。說下云。說釋也。說釋即悅懌。說悅釋懌皆古今字。作釋用假借字。

愚無知之稱 十行本。知誤智。

視其所以章

言視其所行用 皇本。用下有也字。下經從下。同。

人馬廋哉人馬廋哉 漢石經。脫下哉字。

言觀人終始 皇本。人下有之字。

安所匿其情 皇本。作安有所匿其情也。

溫故而知新章

可以為人師矣 皇本作可以為師也。筆解此注。首有孔曰二字。又師上亦無人也。

乃斃尸俎 十行本。閩本北監本。斃作執。誤。

是尋為溫也 十行本。閩本。尋誤歸。

君子不器章

無所不施 皇本。施下有也字。下章註不周下。為比下。竝同。

君子周而不比章

孔曰 皇本高麗本。作孔安國曰。

學而不思章

學而不思則罔 釋文出則罔云。本又作罔。案古罔字。本省作罔。此作罔。又古文之省。

學不尋思其義 皇本。作學而不尋思其義理。

徒使人精神疲殆 皇本無徒字。殆下有也字。下所得下。同。

論語注疏

卷一

十一



攻乎異端章

斯害也已 皇本高麗本已下有矣字是也

異端不同歸也 皇本也上有者字

由誨汝知之乎章

誨女知之乎 皇本高麗本毛本女作汝後竝放此案釋文出誨女云音汝後可以意求之

弟子姓仲名由字子路 皇本弟上有由字子下路下有也字

不知為不知 皇本不知下有之字

子張學干祿章

弟子姓顓孫名師字子張 皇本弟上有子張二字子下子張下有也字下少過下少悔下

同

雖博學多聞 閩本博誤博

慎行其餘則寡悔者 閩本北監本行誤言

雖偶不得祿 十行本閩本偶誤愚

亦同得祿之道 皇本作得祿之道也

何為則民服章

魯君諡 皇本作魯君之諡也

舉直錯諸枉 釋文出錯字云鄭本作措投也○按措正字古經傳多假錯字為之

舉正直之人用之 皇本正上有用字人下無用之二字

則民服其上 皇本上下有矣字毛本作則民服其上也

哀公名蔣 史記魯世家作名將世本作蔣



季康子問使民敬忠以勸章

魯卿季孫肥

皇本。肥。下有也字。下謚下。其上下。同。

臨之以莊則敬

皇本。臨。下有民字。又則敬則勸。作則民敬。則民勸。案作臨民。作臨之。俱可。若民之連用。則

不詞矣。疑皇本誤。

則民勸勉

皇本。作則民勸也。

或謂孔子曰章

乃是為政

皇本。政。下有也字。

孝乎惟孝

皇本。平。作于。釋文出孝于云。一本作孝乎。案惠棟九經古義云。蔡邕石經亦作于。故包咸註云。孝于

惟孝。美大孝之辭。後世儒者據晉世所出君陳篇。改孝于為平。惟以孝屬下句。以合之。若非漢石經及包氏註。亦安從而正是邪。

是亦為政

皇本。政。下有也字。

奚其為為政

釋文。出奚其為為政也云。一本無一為字。

孝乎惟孝

皇本。乎作于。惟孝。下有者字。

美大孝之辭

皇本無大字。辭。下有也字。下兄弟。下同。

政所施行也

文選閒居賦注。引此注。施行也。下有此五字。

與為政同

皇本。作即是與為政同耳。文選閒居賦注。引與。上有即字。同。下有也字。

今其言

十行本。今誤令。

美此孝之辭也

孫志祖云。此當作大。

人而無信章

其餘終無可

皇本。可。下有也字。下駟馬車下。同。



論語注疏卷一

小車無軌案五經文字云軌軌音月。轅端上說文下見論語及釋文相承隸省。

轅端橫木以縛軌

皇本軌作柅下有者也二字。釋文出柅字云又作軌。

轅端上曲鉤衡

皇本鉤作拘衡下有者也二字。案鉤拘古音同。第四部故多通用。周禮巾車金路鉤

註故書鉤為拘。杜子春讀為鉤。

大車崇九尺

考工記作三柯。

加軫與鞮

閩本北監本毛本與誤與加誤如。十行本加字亦誤作如。

為衡頸之間

十行本閩本間誤問。

子張問十世章

子張問十世可知也

釋文出十世可知也云一本作可知乎。鄭本作可知。

文質禮變

皇本變下有也字。下五常下三統下同。

殷因於夏禮所損益

宋石經避宣祖諱殷作商。後放此漢石經損作損。

雖百世可知也

皇本高麗本可上有亦字。

物類相召世數相生

皇本此注作馬融曰召作招世作勢。

故可預知

皇本作故可豫知也。案豫預古今字。

殷則損益之

各本益之二字誤倒。

世數相生

十行本世作勢。案注文及疏末段俱作世數。則此不當作勢字。

若羅網有紀綱之而百目張也

今白虎通作若羅網之。有紀綱而萬目張也。

剛柔相配故人為三綱

今白虎通人上有六字。

取象日月屈信歸功也

今白虎通功下有天字。

取法五行

今白虎通法作象。



夫婦取象人合陰陽有施今白虎通作夫婦法人取象人合陰陽有施化端也

臣牽也北監本毛本牽誤奉

以度教子今白虎通作以法度教子也

白虎通云十行本云誤示

五性者何今白虎通性作常是也

仁者不忍好生愛人今白虎通作仁者不忍也施生愛人所據之本不必盡同今本且引書亦不盡用元文者不得援彼改此浦鏗遽以好為誤字非也

或於事今白虎通作不惑於事。按惑正字古多假或為之

明一陽二陰今白虎通一作二

事莫不先其質性乃後有其文章也今白虎通作事莫不先有質性乃後

有文章也

有文章也

天有三生三死故士有三王今白虎通士作土毛本三死誤二死

王特一生死毛本一字空闕

又三正記云北監本毛本正誤王

堯以十二月為正毛本二誤一

女媧以十二月為正尚白十行本正誤王白誤日

又木之始十行本闕本木誤未

文法地質法天十行本闕本作文法天質法地。按非是。下云周文法地。殷質法天。可證也

殷質法天而為地正者十行本闕本脫天字

建丑之月為地統者各本脫地字。浦鏗校補。下建寅之月為人統者同



以其物出於地

各本其作人據浦鏜校改

物生細微

閩本北監本毛本作微細

故禮緯稽命徵云

閩本北監本毛本徵誤殷

洛子命云湯觀於洛沈璧而黑龜與之書

浦鏜云予誤子璧誤壁是

也

泰誓言武王伐紂

十行本閩本泰誤秦

而白魚入於王舟

十行本入誤八

禪代之後

十行本閩本代誤伐

非其鬼而祭之章

非其祖考而祭之者

皇本無者字

是詔求福

皇本作是詔以求福也

義所宜為

皇本作義者所宜為也又下是無勇下亦有也

見其義不為

孫志祖云其衍字

論語注疏校勘記卷一

臣孫同元校字

論語注疏校勘記

卷一

三



論語注疏校勘記卷二

臣阮元恭撰

八佾第三

孔子謂季氏章

八八六十四人 皇本。人下有也字。下譏之下。同。

季桓子僭於其家廟舞之 皇本。季上有今字。

金鍾鎛也 毛本。鍾作鐘。閩本。鎛誤鋪。北監本。鍾亦作鐘。鎛亦誤鎛。

重周公故以賜魯 禮記祭統。重作康。

吾何僭哉 公羊傳。哉上有矣字。

下效上之辭 十行本。閩本。效作。乃效之俗字。

三家者以雍徹 釋文。出徹字云。本或作徹。案五經文字云。徹去也。案字書無此字。見論語。



三家謂仲孫叔孫季孫皇本家下有者字季孫下有也字下篇各下之後下同

今三家亦作此樂皇本樂下有者也二字○按者是衍文

天子穆穆皇本穆穆下有矣字

天子之容貌皇本貌作也

雍篇歌此者皇本此下有曲字

而作之於堂邪皇本邪作耶後邪字竝放此

但家臣而已十行本但誤恒

人而不仁章

必不能行禮樂皇本樂下有也字下章注魯人下不如儉下不如哀戚下中國下竝同

季氏旅於泰山章

季氏旅於泰山玉篇云祿祭名論語作旅廣韻云祿祭山川名論語只作旅○按說文有旅無祿鄭氏注大司徒云旅陳也陳其祭事以祈焉

女弗能救與皇本高麗本弗作不

在其封內者皇本者下有也字下冉求下而祭之下同

時仕於季氏皇本無於字

嗚呼釋文出嗚呼云本或作烏乎音同

君子無所爭章

言於射而後有爭皇本爭下有也字下相飲下所爭下同

多筭飲少筭毛本筭作算釋文出多竿云本今作筭案五經文字云筭相亂反作竿訛算先卵反從昇見禮經說文筭計麻數者从竹弄算數也从竹具據此則字當作筭



勝者祖決 閩本。祖誤祖

右加弛弓 毛本作弛。○按禮注。射儀注。作弛。是正字

揖如始升射 儀禮大射儀。無始字

坐奠於豐下與揖 十行本。閩本。與誤與

鄉射記曰 北監本。毛本。記作禮。後射不主皮章。疏同。○按作記。是也

巧笑倩兮章

巧笑倩兮 皇本。北監本。毛本。笑作笑。後陽貨篇子之武城章。夫子莞爾而笑。皇本。閩本。北監本。毛本。亦竝作笑。

五經文字云。笑喜也。從竹下犬。○按釋文注。多作笑。竹下犬。非古也。

美目盼兮 唐石經。十行本。閩本。北監本。盼作𥇦。下竝放此。案說文。盼。詩曰。美目盼兮。从目分聲。𥇦。恨視也。从目

兮聲。音義迥別。毛本。改从分作盼。是

文貌 皇本。貌下有也字

繪事後素 釋文。出繪事云。本又作績。同。畫文也。案繪績。古通用。周禮考工記。凡畫績之事。後素功。註及文選。夏侯常侍誄注。竝引作績。

凡繪畫先布衆色 皇本作畫繪。又色作采

然後以素分布其閒 皇本。無布字

亦須禮以成之 皇本。之作也

起予者商也 漢石經。無者字

可與共言詩 皇本。詩下有已矣二字

是知凡繪畫先布衆色 北監本。畫。誤畫

夏禮吾能言之章



二國名 皇本。各下有也字。下之後下同。

不足以成也 皇本。成下有之字。

我不以禮成之者 皇本。我有能字。禮上有其字。非是。

殷禮言之 浦鏗云。禮下脫吾能二字。

徵成釋詁文 孫志祖云。今爾雅釋詁。無此文。

封殷之後於宋是也 禮記樂記。封作投。

禘自既灌而往章

為序昭穆 皇本。穆下有也字。釋文出昭穆云。說文作俎。下同。

列尊卑 皇本。列作別。

而魯逆祀 皇本。魯下有為字。

禘者二年大祭之名 浦鏗云。五。誤二。

禘祭自既灌已往 閩本北監本毛本。已作以。○按已以。古字通。

五年一禘 十行本。五。誤王。

是知當閔在僖上 十行本。上。誤土。

或問禘之說章

為魯諱 皇本。作為魯君諱也。

如指示掌中之物 皇本。掌上。有以字。

言其易了 皇本。了。下有也字。

其如示諸斯乎也者 浦鏗云。也字衍。

言我知禘禮之說者於天下之事中 浦鏗云。我。疑若字。誤。中字疑衍。



祭如在章

言事死如事生皇本。生。下有也字。下百神下。不祭下。下章註。衛大夫下。近臣下。執政下。喻君下。衆神下。竝同。

不致肅敬於心皇本。不。上有故字。無肅字。毛本。於。誤作其。疏文可證也。

與其媚於奧章

賈執政者皇本。賈。下有者字。者。下有也字。

欲使孔子求昵之釋文。出求昵云。亦作暱。案昵暱古字通。五經文字云。暱昵二同。尼一反。近也。

微以世俗之言感動之也皇本。微。上有故字。

孔子拒之曰皇本。拒。作距。北監本。誤作拒。五經文字云。拒與距同。按距雞距字。說文有距無拒。距即拒也。

王孫賈時執國政

舉於二句北監本。王。誤玉。浦鏗云。於。疑此字誤。

周監於二代章

郁郁乎文哉汗簡云。古論語。郁。作馘。案說文。馘。有文章也。馘。即馘字之省。

當從之皇本。作當從周也。

此章言周之禮文猶備也浦鏗云。猶當獨字誤。

子入太廟章

子入太廟唐石經皇本。太作大。下文及註。竝同。後竝放此。唯本。篇管仲之器小哉。章註以爲謂之太儉。皇本亦作太。案釋文。出大字云。音泰。則此當作大。爲是。

周公廟皇本。廟。下有也字。下治邑下。復問下同。



當更復問 毛本更誤須

嘗為季氏吏 十行本閩本北監本東誤史

射不主皮章

射有五善焉 皇本無焉字

一曰和志體和 皇本和下有也字。下容儀下。中質下。舞同。下同科下。並同。

天子三侯 皇本三。上有有字

亦兼取和容也 皇本取下有之字

為力力役之事 皇本作為力為力役之事也

云志體和至與舞同 十行本閩本與誤興

行鄉射之禮 十行本鄉誤鄉

無讀為舞 十行本閩本讀誤不

與禮與樂是也 按周禮注無下與字

主將有祭祀之射 北監本毛本作主將有郊廟之事。浦鏗云主當作王是也

其節比於樂 北監本比誤北

卿大夫亦皆有采地焉 十行本卿誤鄉。焉誤馬。閩本北監本卿亦誤鄉

其將祀其先祖 十行本閩本先誤無

又方制之以為章 十行本閩本章誤牽。北監本毛本作章亦誤

于五十 閩本于誤于

元謂侯中之大小 毛本大小作小大。與周禮注不合

鄉射禮曰 毛本作禮。周禮注作記。不誤



討迷惑者

十行本闕本。迷下誤衍士字

射者大禮

闕本。射誤躬

不大射

十行本。太誤犬

子貢欲去告朔之餼羊章

有祭謂之朝享

皇本。享下有也字。下其羊下。同

爾愛其羊

唐石經。爾作女。皇本高麗本。作汝

羊存猶以識其禮

皇本。作羊在猶所以識其禮也。下遂廢。下亦有也字

云禮每月告朔於廟

浦鏜云。據注文。每上脫人君二字。

是用生羊告於廟

十行本闕本。生誤牲

則謂之朝正

十行本闕本。正誤政

朝廟朝享朝正

十行本。享上脫朝字。闕本北監本毛本。作朝廟享廟正大。誤

以盡知力之用

毛本。用誤周

皆委任焉

十行本闕本。任。誤立

雖則履此事

浦鏜云。躬誤則

每月之朔

十行本闕本。朔誤朝

以故告特羊

十行本特誤時

王立七廟祖廟

禮記祭法無祖廟二字。按下脫祖考廟三字。此蓋因下文誤衍

朝享自皇考以下

十行本闕本北監本。朝誤廟

事君盡禮章

人以爲諂也

高麗本。無也字



故以有禮者為詔

皇本。詔下有也字

定公問君使臣章

魯君謚

皇本。謚下有也字

故問之

皇本之作也

關雎樂而不淫章

樂不至淫哀不至傷

皇本。不上並有而字

哀窈窕

十行本。窈誤窈。毛本窈。誤窈

哀公問社於宰我章

哀公問社於宰我

釋文出問社云鄭本作主。云主田主謂社。案左氏文二年經丁丑作僖公主。正義云

論語哀公問主於宰我。古論語及孔鄭皆以為社主。以張包周等並為廟主。故杜所依用

使民戰栗

皇本高麗本。栗下有也字。下注戰栗下。諫止下。其後下。並有也字

不可復解說

皇本。作說解也

不可復追咎

皇本。追下有非字。咎下有也字

故歷言此三者

皇本。無此字

故問於弟子宰我也

閩本。問誤門

杜元凱

十行本。元誤無

管仲之器小哉章

以為謂之大儉

皇本。大作太。儉下有乎字。按釋文出大儉云。音泰

焉得儉

皇本高麗本。儉下有乎字

三歸娶三姓女

皇本。作三歸者娶三姓女也。釋文出取三云。本今作娶。按娶正字。古多假取字為



之

婦人謂嫁曰歸皇本。曰。作為。釋文。出。謂。嫁。為。歸。云。一。本。無。為。字。本。今。作。日。歸。

大夫兼并皇本。作。并。兼。

非為儉皇本。儉。下。有。也。字。

然則管仲知禮乎皇本。高麗本。然。上。有。日。字。

便謂為得禮皇本。作。更。謂。為。得。知。禮。也。

邦君為兩君之好漢石經。避高帝諱。邦。作。國。後。放。此。

有反坫管氏亦有反坫毛本。坫。竝。誤。坫。

反爵之坫皇本。坫。下。有。也。字。下。是。不。知。禮。下。同。

人君別內外皇本。作。人。君。有。別。外。內。

若與鄰國為好會皇本。國。下。有。君。字。

其獻酢之禮釋文。出。獻。酢。云。一。本。作。酬。

孰不知禮皇本。禮。下。有。也。字。

隱二年公羊傳文各本。一。誤。三。

在兩楹之間者毛本。楹。誤。檻。

反此虛爵於坫上各本。此。誤。坫。

子語魯大師樂章

子語魯大師樂曰閩本。毛本。作。太。師。按。釋。文。出。太。師。云。音。泰。註。同。

樂其可知也皇本。高麗本。也。下。有。已。字。

樂官名皇本。名。下。有。也。字。下。如。盛。下。日。縱。下。同。



五音始奏

皇本。五。上有言字。

從之純如也

唐石經。避憲宗諱。純作紉。後放此。按史記孔子世家。從。作縱。後漢書班固傳註。亦引作縱。當是

古論

放縱盡其音聲

皇本。無音字。

純純和諧也

皇本。和。上有如字。按史記孔子世家集解引此註。不重純字。

言其音節明也

皇本。明。上有分字。

以成 皇本。成。下有矣字。

言樂始作翕如而成於三

皇本作於。史記孔子世家集解引同。皇本。三。下有者也二字。

儀封人請見章

儀蓋衛邑

皇本。衛。下有下字。邑。下有也字。下官名。下無道下。天下。下同。

君子之至於斯也

皇本高麗本。也作者

弟子隨孔子行者

皇本。弟。上有是字。者。下有也字

通使得見

皇本。見。下有者也二字

天下之無道也久矣

高麗本。無也。字

極衰必盛

皇本。作極衰必有盛也

儀封人既請見夫子

各本。並誤作請既

子謂韶章

又盡善也

嘉定錢大昕。養新錄云。漢書董仲舒傳本引。又盡善矣。上矣。下也。語意不同。當是論語古本。今漢書

亦改作也。唯宋景祐本。是矣。字。西漢策要。與景祐本。同

舜樂名

皇本。名。下有也字



故盡善

皇本。作故曰盡善也。下作故曰未盡善也。

鳳皇來儀

閩本北監本。皇作凰。○按皇凰正俗字。

武樂為一代大事

盧文昭校本。改武為夫。

里仁第四

里仁為美章

里仁為美

高麗本。美作善。

里者仁之所居

皇本。作里者民之所居也。案此當依皇本。作民。文選潘岳閒居賦註。引作人之所居也。當是避唐諱耳。

是為美

皇本。作是為善也。案義疏云。文云美而註云善者。夫美未必善。故鄭深明居仁者里必是善也。疑邪。

疏作美。觀閒居賦註。亦引作善。可證。

擇不處仁

案困學紀聞。載張衡思元賦。註引論語宅不處仁。謂古文本作宅字。九經古義云。按釋名曰。宅擇也。擇吉處而營之。是宅有擇義。或古文作宅。訓為擇。亦通。

焉得知

皇本高麗本。知作智。後竝放此。案釋文出知字云。音智。註及下同。

求居而不處仁者之里

皇本。求下有善字。

不得為有知

皇本。智下有也字。

不仁者不可以久處約章

久困則為非

皇本。非下有也字。下驕佚下。安仁下。同。

知仁為美故利而行之

皇本。作智者知仁為美。故利而行之也。

自然安而行之也

毛本。而誤正。

自然汎愛施生

十行本閩本。汎誤沉。毛本。生誤性。



唯仁者能好人章

唯仁者

閩本北監本毛本唯作惟○按論語全書多作唯

唯仁者能審人之所好惡

皇本無所字惡下有也字

苟志於仁矣章

無惡也

漢石經高麗本無也字

言誠能志於仁則其餘終無惡

皇本仁下有者字無終字惡下有者字

富與貴章

是人之所欲也

此句也字及下是人之所惡也兩也字疑俱屬後人所加攷初學記十八文選幽通賦註

引此二段皆無也字又晉書皇甫謐王沈二傳並云富貴人之所欲貧賤人之所惡亦無也字又後漢書李通傳論陳蕃傳註晉書夏侯湛傳文選鮑照擬古詩註太平御覽四百七十一單引此句亦無也字四書攷異云案此也字唐以前人

則仁者不處

皇本處下有也字

此則不以其道得之

皇本作此則不以其道而得之者也

不可違而去之

皇本之下有也字下君子下同

偃仆

皇本偃作僵下同案釋文出僵字云本今作偃

不違仁

皇本作不違於仁也

言仁不可斯須去身

十行本去誤立

皆迫促不暇之意

十行本促誤從

我未見好仁者章

我未見好仁者惡不仁者

漢石經好仁下無者字

引述悉略去未必不謀盡同也恐是當時傳本如此○按考異非也古人引書每多節省況有皇侃義疏可證也



無以尚之為優

皇本以下有加字。優下有也字。

有能一日用其力於仁矣乎我未見力不足者

皇本仁下有者字。不足者

下有也字。註不足者下同。

蓋有之矣

皇本高麗本矣。作乎。

故云為能有爾我未之見也

皇本能下有仁字。爾作耳。我上有其字。無之字。

言人誠能一日用其力脩仁者耳

浦鏗云耳當乎字誤。

人之過也章

人之過也

皇本高麗本人作民。

黨黨類

皇本類下有也字。下之過下同。

當恕而勿責之

皇本勿作無之作也。

則為仁矣

皇本矣作也。

朝聞道章

夕死可矣

漢石經矣作也。

不聞世之有道

皇本道下有也字。

君子之於天下也章

無適也

釋文出適字云鄭本作敵。九經古義云古敵字皆作適。禮記雜記云赴於適者鄭注云適讀為匹敵之敵。

史記范雎傳攻適伐國田單傳適人開戶李斯傳羣臣百官皆畔不適徐廣皆音征敵之敵荀卿子君子篇云天子四海之內無客禮告無適也。注讀為敵。

義之與比

皇本比下有也字。

言君子之於天下無適無莫無所貪慕也唯義之所在也



此註唯皇本有之。各本並脫

君子懷德章

重遷

皇本。遷。下有也字。下於法下。恩惠下。同

君子懷刑

漢石經。刑。作荆。案說文井部。勑。罰。臯也。从井从刀。易曰井法也。井亦聲。今經典相承作刑。

放於利而行章

每事依利而行

皇本。行。下有之者也三字。下之道下。有也字。

能以禮讓為國平章

言不難

皇本。難。下有也字。下用禮下。同

不患無位章

不患莫已知

皇本高麗本。知。下有也字。皇本註知己下。同

參乎章

參乎

釋文云。參。所金反。九經字樣云。參。參。上說文。下隸省。與參字不同。參音驂。從參。今經典相承通作參。孝經參不敏。釋文本作參。音所林反。

吾道一以貫之

皇本高麗本。之。下有哉字

故谷曰唯

皇本。唯。下有也字

見賢思齊焉章

思與賢者等

皇本。等。下有也字

見不賢而內自省也

高麗本。不賢。下有者字

事父母幾諫章

幾者微也

皇本。無者字



當微諫納善言於父母皇本。當上有言字。父母下有也字。

又敬不違皇本。敬下有而字。

勞而不怨高麗本。無而字。

見志皇本。志下有者字。下之諫下有也字。

### 父母在章

父母在不遠遊皇本。不上有子字。

### 三年無改於父之道章

無所改於父之道非心所忍為皇本。於作其。心下有之字。為下有也字。

無所改為父之道浦鏗云。於誤為。

### 父母之年章

孔曰釋文云。此章註或云孔註。或云包氏。又作鄭元。語辭未知孰是。

見其衰老則懼皇本。懼下有也字。

### 古者言之不出章

古者言之不出皇本。作古之者言之不妄出也。高麗本。出下有也字。四書攷異云。包氏註云。古人之言。不

妄出口。據其文。或舊本經原有妄字。未可知。若上一之字。則斷知其流傳訛衍。○按皇本妄字。必因注文而誤衍也。

不妄出口為身行之將不及皇本。作不妄出口者為耻。其身行之將不及也。

### 以約失之者章

俱不得中皇本。中下有也字。

奢則驕佚招禍皇本。佚作溢。

儉約無憂患皇本。作儉約則無憂患也。



君子欲訥於言章

言欲遲而行欲疾皇本作言欲遲鈍而行欲敏也

德不孤章

是以不孤皇本孤下有也字

事君數章

數謂速數之數皇本此註作孔安國曰數下有也字案筆解作包曰

當以禮漸進也十行本作斬進也斬當漸字之譌閩本北監本毛本並脫此字更非

論語注疏校勘記卷二

臣孫同元校字

論語注疏校勘記卷三

臣阮元恭撰

公冶長第五

子謂公冶長章

雖在縲紲之中

皇本高麗本紲作繼宋石經亦作繼案字本本今作紲五經文字云紲本文从世緣廟諱偏芴今經典並准式例變

冶長

黑索皇本作公冶長案孔註下云姓公冶名長則不當單稱冶長

此章明弟子公冶長之賢也

故繫之縲紲

南宮縚

閩本繫誤擊

釋文出縚字云本又作縚



言見用 皇本。作言見任用也。

在官不被廢棄 閩本北監本毛本。棄作棄。後放此。案說文。棄捐也。弃古文棄籀文。弃棄蓋古今字。

南宮括 閩本北監本毛本。括作适。案史記弟子列傳。作括。

鄭註檀弓云 閩本。檀誤檀。

名其大夫 北監本。名誤君。

中孫獲生南宮縚是也 浦鏗云。獲。誤獲。按禮記檀弓上。疏引世本作獲。故浦以為獲之誤。然攷南宮縚之父。為孟僖子。僖子即左氏昭公九年。經所書仲孫獲。如楚者也。據此。不得以獲字為誤。

子謂子賤章

宓不齊 皇本。齊下有也字。

安得此行而學行之 皇本。得下有取字。

賜也何如章

賜也何如 高麗本。作如何。

言汝器用之人 皇本。作言汝是器用之人也。

瑚連也 案說文。漣。胡漣也。大徐云。今俗作連。非。九經古義云。瑚連二字。从玉。有。俗所作也。當為胡連。春秋傳曰。胡。盥之事。明堂位曰。夏后氏之四連。皆不从玉。有。據此。則漣為本字。連為假借。从玉者。俗字耳。○按韓勅禮器碑。胡輦器用。即胡連也。

瑚連黍稷之器 皇本。作瑚連者。黍稷器也。

宗廟之器貴者 皇本。作宗廟器之貴者也。

故問之曰 北監本問。誤問。



子貢雖得夫子

北監本。雖誤繼

此夫子又為指其定分

十行本。夫。誤未

註此論語

閩本北監本毛本註作說

或引有所據

浦鏗云。別誤引是也

雍也仁而不佞章

弟子仲弓名

皇本。名。下有也字。下姓名冉下同

子曰焉用佞

高麗本。佞。下有也字

屢憎於人

高麗本。作屢憎民

不知其仁焉用佞

皇本高麗本。仁。下。佞。下。有也字

數為人所憎惡

皇本。無惡字。有也字

此章明仁不須佞也

閩本北監本毛本。仁誤口

數為人所憎惡者

十行本閩本北監本。為誤謂

而以不佞為嫌者

十行本嫌誤謙

子使漆雕開仕章

子使漆雕開仕

閩本北監本毛本。彫作雕。註疏同。案釋文出

與後章朽木不可雕。俱為彫。松柏後彫之彫為凋。體義自合。不知何時皆傳寫差。攷十行本此處作彫不誤。後朽木不可彫。經文已作雕。唯註疏尚作彫。歲寒章亦作彫。與閩本北監本毛本同。○按依說文。當作凋。凡凋琢之成文則曰彫。今彫行而凋廢。彫凋皆假借字

開弟子

皇本。子下有也字。下姓名下。究習下。同

善其志道深

皇本。善作喜。深下有也字



子使漆彫開仕者十行本仕誤化

孔子見其不汲汲於榮祿十行本於字誤重

道不行章

乘桴浮于海從我者其由與皇本于作於由下有也字高麗本也字同案此經例用於字唯

為政篇吾十有五而志于學及此兩於字變體作于為政篇于字乃平字之譌此亦疑本作於傳寫者偶亂耳觀文選嘯賦註尚引作於可證又由下也字亦與顏師古漢書地理志註太平御覽四百六十七所引合

桴編竹木皇本木下有也字下曰桴下俱行下過我下於已下同

大者曰楫皇本楫作筏

無所取於桴材皇本作言無所取桴材也

子路聞孔子欲浮海皇本浮上有乘桴二字毛本子路誤孔路

無所取哉皇本所下有復字

古字材哉同皇本同下有耳字

水中箠筏十行本閩本箠誤箠下同

方舫泝桴音義同也十行本閩本桴誤浮

孟武伯問子路仁乎章

可使治其賦也釋文出賦字云孔云兵賦也鄭云軍賦梁武云魯論作傅

兵賦皇本賦下有也字下之邑下公西華下行人下同

大夫百乘皇本作卿大夫故曰百乘也

仁則不知毛本知下補也字

出戎馬一匹十行本戎誤戎下同



女與回也孰愈章

回也聞一以知十釋文出聞一云本或作問字非

吾與女釋文出吾與爾云爾本或作女音汝案三國志夏侯淵傳曰仲尼有言吾與爾不如也正作爾字蓋與陸

天所據本合

既然子貢不如皇本不作弗

蓋欲以慰子貢也皇本貢下有字案筆解也作爾

何敢比視顏回也北監本比誤此

故云不如也浦鏗云不當作弗

宰予晝寢章

弟子宰我皇本我下有也字下刻畫下同又此註作苞氏曰案疏述註亦作包曰今本作孔曰疑誤

朽木不可彫也

閩本北監本毛本彫經註疏俱作雕十行本唯經文作彫餘仍作彫案唐石經宋石經俱

作彫漢書董仲舒傳論衡問孔篇詩大雅棫樸正義亦俱引作彫是作彫者用假借字釋文亦作彫

糞土之牆

釋文出糞字云本或作真同

不可朽也

皇本朽作朽釋文出朽字云本或作朽鏹也案史記弟子列傳漢書董仲舒傳俱作朽蓋論語古本

作朽說文朽所以塗也朽當是正字朽乃朽之假借耳

朽鏹也

皇本作朽鏹也十行本朽竝誤朽案釋文出鏹字云或作鏹五經文字云鏹莫干反見論語經文無

鏹字當即此註

此二者以喻雖施功猶不成

皇本無此以二字成下有也

深責之

皇本之下有辭也二字

改是聽言信行

皇本是下有者始二字



更察言觀行發於宰我之晝寢皇本更上有今字無之字寢下有也字

此孔子責宰我之辭也十行本辭作辭下放此案說文詞意內而言外也辭訟也辭不受也籀文作辭據此則此處不當作辭五經文字云辭

辭辭上說文中古文下籀文經典相承通用上字

不可雕琢刻畫北監本畫誤畫

託之以設教耳十行本耳誤卑

今乃晝寢十行本晝寢二字實闕

故孔子責之十行本責字實闕

聽其所言十行本聽字實闕

雖聽其言更觀其行十行本聽觀二字實闕

宰予弟子宰我毛本宰予二字誤在弟子下

朽鏝也十行本鏝字實闕

釋官云鏝謂之朽郭璞云泥塗也李巡曰塗一名朽十行

本釋字鏝字璞字二塗字並實闕浦鏜云泥塗也鏝誤塗下鏝一名朽因謂泥鏝為朽二鏝字誤同

塗土之作具也北監本土誤上浦鏜云工誤土

因謂泥塗為朽十行本塗字實闕

吾未見剛者章

申枨魯人十行本根魯二字實闕皇本人下有也字下情慾下下章註於已下同

夫子以時皆柔佞十行本佞誤佞下同

或對曰申枨者北監本枨誤根

質直寡欲閩本北監本毛本欲作慾○按欲正字慾俗字



申棠字周浦鏗云。周上脫子字。案史記弟子列傳本無子字。浦鏗疑有脫字者。據家語也。然釋文引家語亦無子字。則今本家語有子字者。恐不足據。

我不欲人之加諸我也章

吾亦欲無加諸人高麗本。人下有也字。

夫子之文章章

可以耳目循皇本作可得以耳目自修也。又筆解。此註作孔曰。

夫子之言性與天道史記孔子世家。作夫子之言天道與性命。

不可得而聞也皇本高麗本也。下有已矣二字。是也。按漢書睦兩夏侯京翼李傳贊及匡謬正俗竝作已矣。

人之所受以生也皇本。生下有者字。之道下有也字。

故不可得而聞也十行本。聞誤問。

孝經說曰性者天之質按禮記中庸注。天作生。此誤。

嘉之會也十行本。嘉誤加。下嘉字同。

成就万物閩本北監本毛本。作濟物。○按唐人千萬字多作万。

豈造元亨利貞之德也十行本閩本。造誤迨。毛本。亨誤享。

子路有聞章

子路有聞未之能行皇本高麗本。無之字。

未及行皇本。作未能及得行。

孔文子何以謂之文也章

衛大夫孔圉皇本。作衛大夫孔叔圉也。



下問謂凡在已下者皇本者下有也字

有所未辯十行本。辯作辨。後放此。案五經文字云。辯辨。上理也。下別也。經典或通用之。

子謂子產章

鄭大夫公孫僑皇本。僑下有也字

故曰鄭大夫閩本。夫誤天

晏平仲章

久而敬之皇本高麗本。而下有人字

齊大夫皇本。夫下有也字。下嬰字下。同

治而清省曰平北監本。毛本。清省改無省。案二本所改。蓋據今本周書謚法解。攷周書舊本。本

作清省。以今本改古本。非也

臧文仲居蔡章

臧孫辰皇本。辰下有也字。下守龜下。為出下。上楹下。奢俊。下。竝同

長尺有二寸十行本。寸誤十

山節藻梲釋文。出梲字云。本又作椽。○按。稅。說文訓本杖。經。典多借用。為梁上短柱之椽。

非時人謂之為知皇本。之作以。知下有也字

疆生哀伯達十行本。生誤註

疆字子臧毛本。字誤是

故姓曰臧也十行本。姓誤謚

道德博厚曰文北監本。毛本。厚改聞。後季文子章疏同。案周書舊本亦作厚。此亦據今本誤改

龜不盈尺漢書食貨志。作盈五寸



宋廬謂之梁 十行本闕本。誤作宋廬。北監本。宋亦誤。案

檢侏儒柱也 闕本北監本毛本。檢誤。櫨

文二年左傳 闕本北監本毛本。二誤。三

令尹子文章

姓鬪名穀字於菟 皇本。穀作穀。釋文出名穀云。本又作穀。按說文穀乳也。从子。穀聲。釋文穀字。即穀字之訛。又作穀。用假借字。說詳左傳釋文校勘記。

必以告新令尹何如 皇本高麗本。如下有也字。又此註作孔安國曰。

崔子弑齊君 釋文出崔子云。鄭註云。魯讀崔為高。今從古。又出弑字云。本又作殺。同。案九經古義云。王充論

衡曰。猶吾大夫高子也。蓋用魯論語之言。

棄而違之 唐石經。避太宗諱。棄作弃。後放此。

皆齊大夫 皇本。夫。下有也字。下去之下。同。

捐其四十四馬 毛本。十誤。千。

則曰猶吾大夫崔子也 高麗本則。下有又字。

違之之一邦 皇本。作違之之至他邦。高麗本。作違之之至一邦。案攷文。載足利本。作違之至一邦。疑皇本高麗本。竝衍一之字。

文子辟惡逆去無道 皇本。辟作避。後竝放此。案釋文出辟字云。音避。本亦作避。○按避。正字。辟假借字。

皆如崔子 皇本。子作杼。案釋文出杼字云。直吕反。則陸氏所據本。亦作崔杼。

無有可止者 十行本。止。誤。且。皇本。者下有也字。

三仕為令尹 十行本。三誤。二。



從其母畜於邾

十行本閩本北監本母誤母

邾子田

各本田竝誤母

季文子三思而後行章

再斯可矣

唐石經作再思可矣。皇本高麗本。作再思斯可矣。

季孫行父

皇本。父下有也字。

不必乃三思

皇本。作不必及三思也。案及字是也。

甯武子章

衛大夫甯俞

皇本。俞下有也字。

佯愚似實

皇本。佯作詳。案佯詳古字通。史記蘇秦傳。詳僵而棄酒。吳太伯世家。公子光詳為足疾。皆以詳

為佯

為賦湛露及彤弓不辭

閩本北監本毛本。辭作辭。閩本形又誤彫。

子在陳章

不知所以裁之

皇本高麗本。之下有也字。史記孔子世家。不

狂簡者進取於大道妄作穿鑿以成文章

皇本。無簡字。取作趨。妄下無作

字。案史記孔子世家集解引亦無簡字

我當歸以裁之耳

皇本。裁下有制字。案文選王簡栖頭陀寺碑文註。引不知所以裁製

伯夷叔齊章

孤竹君之二子

皇本。子下有也字。下國名下。同

孰謂微生高直章

或乞醢焉

高麗本。或下有人字。釋文出乞醢云。亦作醢。案五經文字云。醢作醢。俗



非為直人 皇本。人下有也字

巧言令色足恭章

巧言令色足恭 釋文。出色足云。一本此章有子曰字。恐非

便僻貌 皇本。作便僻之貌也

魯太史 皇本。太作太史。下有也字。下詐親下。同

漢書藝文志文也 各本也。上竝誤衍者字

顏淵季路侍章

願車馬衣輕裘 唐石經。輕字。有註。案石經初刻。本無輕字。車馬衣裘。見管子小尾及外傳齊語。是子路本用成語。後人因雍也篇。衣輕裘。誤加輕字。甚誤。錢大昕金石文跋尾云。石經輕字。宋人誤加。攷北齊書唐邕傳。顯祖嘗解服青鼠皮裘。賜邕云。朕意在車馬衣裘。與卿共。蓋用于路故事。是古本無輕字。一證也。釋文於赤之適齊節。音衣為于舊矣。

既反。而此衣。字無音。是陸本無輕字。二證也。邢疏云。願以己之車馬衣裘。與朋友共乘服。是邢本亦無輕字。三證也。皇疏云。車馬衣裘。共乘服。而無所憾恨也。是皇本亦無輕字。四證也。今註疏與皇本正文有輕字。則後人依通行本增入。非其舊矣。

敝之而無憾 皇本。敝作弊。○按。敝。正字。弊。俗字

不自稱己之善 皇本。作自無稱己之善也

不以勞事置施於人 皇本。不作無人下有也字

懷歸也 皇本。歸作安

已矣乎章

莫能自責 皇本。有者也二字

十室之邑章



不如丘之好學也。高麗本。學下有者字。

雍也第六。十行本。閩本。毛本。此下竝有疏文。與各第下同。北監本。脫此第下疏文。

及仁知中庸之德。毛本。及誤入。

雍也可使南面章

雍也可使南面。高麗本。面下有也字。

言任諸侯治。皇本。作言任諸侯可使治國政也。釋文出諸侯治云。一本無治字。本作言任諸侯治國也。

伯子書傳無見焉。皇本。馬作也。下大簡下。有也字。

子曰以其能簡故曰可也。皇本。無子曰字。

無乃大簡乎。北監本。毛本。大作太。案釋文出大簡云。音泰。下同。

則以此為秦大夫恐非。孫志祖云。則字衍。

哀公問弟子章

哀公問弟子孰為好學。皇本。高麗本。問下有日字。

今也則亡。釋文云。本或無亡字。即連下句讀。

凡人任情。十行本。凡誤几。

顏回任道。皇本。回作淵。

未嘗復行。皇本。行下有也字。

有顏回者好學。浦鏗云。下脫不遷怒不貳過六字。

未聞更有好學者也。十行本。聞字與下顏回任道顏字。五易。大誤。

彼云。十行本。彼誤皮。

由於學問既篤。毛本。由作繇。



子華使於齊章

冉子為其母請粟 十行本。粟誤菜

赤之字 皇本。作赤字也

六斗四升曰釜 皇本。釜下有也字

包曰十六斗曰庾 十行本。包誤句。皇本作十六斗為庾也

十六斛曰秉 十行本。十誤子。皇本。曰作為

五秉合為八十斛 皇本。無為字。斛下有也字

非冉有與之太多 皇本。有作求。多下有也字

此章論君子當賑窮周急 閩本北監本。賑作振。案作振。是也。顏師古匡謬正俗云。振給。振貸。字皆作振。振。舉救也。俗作賑。非

區十六升 浦鏗云。斗誤十

量名以為數者 浦鏗云。有誤以是也

原思為之宰章

弟子原憲 皇本。憲下有也字。下邑宰下。九百斗下。為黨下。

辭辭讓不受 皇本。辭字不重。受下有也字

子曰母 十行本。閩本北監本。毋誤母

祿法所得當受無讓 皇本作祿法所當受無以讓也

此章明為仕受祿之法 十行本。脫仕字

云孔子為司空 浦鏗云。為下脫魯字

孔子由中都宰為司空 閩本北監本毛本。由誤為



由司空爲司寇 浦鏗云爲下脫大字

子謂仲弓章

雜文 皇本文下有也字。下犧牲下同

駢赤也 皇本赤下有也字

不害於子之美 皇本子上有其字。美下有也字

中祭祀之犧牲 十行本犧誤儀

回也其心三月不違仁章

餘人暫有至仁時 皇本餘上有言字。下不變下。有也字

復一時而不變移 毛本作移變

其餘則暫有至仁時 十行本暫作暫。案暫暫正俗字

季康子問仲由章

果謂果敢決斷 皇本斷下有也字。下物理下。同

曰賜也達 皇本高麗本。曰上有子字。下曰求也。藝下。同

藝謂多才藝 皇本作藝謂多才能也

季氏使閔子騫爲費宰章

費季氏邑 皇本邑下有也字

而其邑宰數畔 皇本畔作叛。是正字。古多假畔字。爲之

聞子騫賢故欲用之 皇本子上有閔字。之作也

託使者 皇本作語使者曰。案釋文出語字云。魚據反。是陸氏所據本亦作語

善爲我辭焉說令不復召我 皇本作善爲作辭說令不復召我也。下重來召我下。如齊



言請治路甚言  
卷三

古

則吾必在汶上矣釋文。出則吾必在云。一本無吾字。鄭本無則吾二字。案史記弟子列傳亦無則吾字。

昭十二年各本二誤三

汶水出泰山萊蕪西南入濟閩本北監本毛本濟誤齊

伯牛有疾章

伯牛弟子冉耕皇本。耕下有也字。下之甚下。同

喪之皇本。之作也

命矣夫斯人也而有斯疾也斯人也而有斯疾也史記弟子列傳作命也夫斯人也而有斯疾命也夫

賢哉回也章

瓢瓠也皇本。簞笥也下有此三字。又下所樂下有也字。案正義亦有此三字。註脫

非不說子之道章

非不說子之道高麗本。道下有也字

非力極皇本。極下有也字

子謂子夏章

無為小人儒高麗本。無作毋

將以明道皇本。明下有其字。下其名下。有也字。又此註作馬融曰

子游為武城宰章

魯下邑皇本。邑下有也字。下皆辭下。各下方下。竝同

女得人焉耳乎皇本高麗本。乎下有哉字。案焉耳乎三字連文。屬不詞。下又增哉字。更不成文。疑耳當

論語注疏校勘記

卷三

七



爾字之訛。攷太平御覽一百七十四二百六十六俱引作爾。又張栻論語解。呂祖謙論語說。真德秀論語集編。暨論語纂疏。四書通。四書纂箋。諸本。竝作爾。又今坊本亦作爾。蓋馬爾者。猶於此也。言女得人於此乎哉。此者此武城也。如書作耳。則義不可通矣。

馬耳乎 皇本。乎下有哉字

孟之反不伐章

孟之反不伐 毛本。之誤字

魯大夫孟之側 皇本。側下有也字。下其功下。同

殿在軍後 皇本。後下有者也二字

人迎功之 皇本。功上有為字

曰我非敢在後拒敵 皇本。曰。作故云二字。拒作距敵。下有也字。○按。距。別一字。說見前

馬不能前進 皇本。進下有耳字

策捶也 十行本。捶誤捶

崔如為右燭庸之越駟乘 北監本。毛本。御寇下有此十字。十行本。閩本。無

帥右師 十行本。帥誤師

不有祝鮀之佞章

衛大夫子魚也 皇本。子。上有名字

宋之美人 皇本。作宋國之美人也

而反如宋朝之美 皇本。反。作及。案釋文。出及如云一本。及字。作反。義亦通

難乎免於今之世害也 皇本。平。作矣。之。世。作。世。之

誰能出不由戶章



誰能出不由戶

皇本。戶下有者字

言人立身成功當由道

皇本。人下有之字

譬猶出入要當從戶

皇本。戶下有也字。下章註質少下之貌。下同。

質勝文則野章

文質彬彬

說文引作份份。按彬份古今字。

人之生也直章

人之生也直

皇本。作人生之直

言人所生於世而自終者以其正直也

皇本。作言人之所以生於世而自終

者以其正直之道也

誣罔正直之道而亦生者是幸而免

皇本。無者字。免下有也字。

知之者章

好之者不如樂之者深

皇本。不上有又字。深下有也字

中人以上章

上謂上知之所知也

皇本。上知字作智。之下有人字。又下可下下。有也字。

樊遲問知章

務所以化道民之義

皇本。道作導。又義下有也字

敬鬼神而不黷

皇本。黷作瀆。下有也字。下為仁下。同。釋文。出瀆字云。本今作黷。按瀆黷古今字。

問仁曰

皇本。仁下有子字

而後得功

皇本。而作乃

此章明仁知之用也

閩本北監本毛本。知作智



詩經注疏卷三  
不褻黷 十行本。褻誤藝

知者樂水章

如水流而不知已 皇本已下有也字

日進故動 皇本。作自進故動也。下。故靜下。故樂下。亦有也字

性靜者多壽考 皇本。作性靜故壽考也

故多壽考也 十行本。考誤者

齊一變章

言齊魯有太公周公之餘化 皇本。化下有也字。下之時下

若有明君興之 皇本。之下有者字

觚不觚章

觚禮器 皇本。器下有也字。下不成下。同

二升曰觚 正義同。皇本。二作三。觚下有也字。案異義引韓詩說及儀禮特牲饋食禮記註周禮梓人疏。俱

云二升為觚。又廣雅釋器亦云二升曰觚。皇本作三者。字之訛也

用二爵二觚四觶一角一散 十行本。用誤刑。兩二字。竝誤三。一散誤三散。閩本北

監本毛本。二爵誤三爵。一散亦誤三散

韓詩說 十行本。說誤為

飲當寡少 閩本北監本。常誤常

飲不省節 閩本北監本毛本。省作自

仁者雖告之曰章

井有仁焉其從之也 皇本。仁下有者字。也作與。案孔註云。有仁人墮井。則仁下當有者字



宰我以仁者皇本以下有為字

將自投下十行本將誤得

不乎皇本不作否

欲極觀仁者憂樂之所至皇本者作仁。至下有也字

不肯自投從之皇本從作救。之下有也字。又此節作苞氏

不可得誣罔令自投下十行本罔誤固。投誤役。皇本下下

不可陷入於井北監本毛本入誤人

君子博學於文章

君子博學於文釋文云一本無君子字。兩得案無君子者是

言君子不嫌其違畔於道。後顏淵篇此見再見正本皆無君子字。據釋文知此處古本亦無有者。衍文。顏淵篇釋文云博

學於文。一本作君子博學於文。正義曰。或本亦有作君子博學於文。蓋皆後人所加。後篇朱子皆無

子見南子章

予所否者史記孔子世家。否作不。釋文引鄭康成繆播訓為

之不然者也。此當作否

舊以南子者皇本舊作等。以下有為字。案釋文出等以為

字。非也。今註云舊以南子者

衛靈公夫人皇本。人。下有也字。下治道。下同

故夫子誓之皇本。之。下有日字。釋文出故孔子云。一本作

與之呪誓釋文。出之祝云。本今作呪。○按。祝。呪。正俗字

義可疑焉皇本焉作也



意欲因以說靈公

十行本。因誤曰

使行治道

閩本北監本毛本。使誤以

中庸之為德也章

中和可常行之德

皇本。德下有也字。下適今下。同

如有博施於民章

如有博施於民而能濟眾

皇本。有作能。眾下有也字

君能廣施恩惠

皇本。君作若

猶病其難

皇本。難下有也字。下之行下同

己所欲而施之於人

皇本。作己所不欲而勿施人也

此孔子答子貢之語也

十行本。之語誤諸之

論語注疏校勘記卷三

臣 孫同元校字



讀書法錄抄題詞 卷三


嘉慶



